

Ils Desertina Bulls han teniu petg al squetsch

Egl onn niev spitgava ina runda decisiva sillas damas dils UHC Desertina Bulls. Ellas sesanflan sil tierz plaz ella tabella cun tuttina bia puncts sco las secundas e cun in punct dapli che las quartas UHC Wängi, ina dallas adversarias la dumengia vargada. Per saver tener il tierz plaz e schizun baghegiar ora igl avantatg da puncts drovi pia duas victorias. Las giuvnas da Mustér ein serendidas enviers Heiden, nua ch'ellas han giu da dar igl εμπrem campiunadi egl onn niev.

Victoria encunter Schaffusa

Sco εμπrem adversari spitgava l'equipa da Schaffusa. Ils trenaders han cussegliau all'equipa da dar in fetg spert ed offensiv unihoc naven dall'entschatta. Quei han ellas fatg grondius. Gia ell'emprema minuta gartegian las damas da Mustér igl alumini dil gol. Ils Bulls sgulan mo entuorn las ureglias agl adversari. Ella 5avla minuta tarmetta *Noemi Zanin* cun in bi pass *Gada Cathomas* ell'offensiva. Suenter il siet da Gada Cathomas lai il goli da Schaffusa rebatter il siet ed *Anica Seiler* reaguescha il pli spert e sa sittar en avantatg las Sursilvanas. Las damas da Mustér laian buca luc e mettan igl adversari vinavon sut pressiu. Cun in fermezia siet volley ha *Milena Derungs* il 2:0 pils Bulls gia segir, atgnamein, sch'il goli da Schaffusa reagass buc aschi miraculus. Il goli dallas adversarias lai desaparar cun sias paradas ils Bulls. Las Sursilvanas cumbineschan vinavon exemplaricamein cun bellezza acziuns e han pliras caschuns dad ir en avantatg. Ella 15avla minuta dat *Jana Caduff* in pass a *Selina Giger* che marchescha cun in siet ord distanza il meritau 2:0 pils Bulls.

Suenter pausa survegn *Fabiana Bearth* la caschun da mussar tgei chella sa. E quei nezegia ella. Suenter in bi pass da *Jana Caduff* sietta ella cun igl εμπrem contact da balla al 3:0 pils Desertina Bulls. Cun ina fetg ferma defensiun dattan las defensuras dils Bulls mo paucas caschuns da marcar agl adversari. E sch'ei vegn inagada in siet sper las defensuras ora han las giuvnas dalla Romontschia ina ferma petga en gol cun *Mila Demont* che ha saviu festivar igl εμπrem shut out dalla sesiun. UHC Desertina Bulls - Kadetten Schaffusa 3:0.

Gudignau encunter Wängi

El secund giug mava ei per bia dapli che mo dus puncts. Cun ina victoria encunter Wängi savessan ils Bulls distanziar per plirs puncts la concorrenza. Era en quei giug han ils trenaders pretendiu dallas Sursilvanas in fetg spert ed attractiv unihoc. Sco ellas han calau igl εμπrem giug han ellas entschiet il secund. Igl adversari era surprius dil tempo dallas giuvnas da Mustér. Ella 7avla minuta entscheiva la show da *Jana Caduff* ed *Aline Cajacob*. Cun ina cumbinaziun sco ord il cudisch dattan ellas duas ina staffetta da pass ed alla fin sietta *Aline Cajacob* cun in siet egl anghel igl εμπrem gol pils Bulls. In grond crap croda giu da dies dallas giuvnas ed ei va aun inagada in grond slontsch atras l'equipa. Aunc avon pausa gartegian ils Bulls duas gadas mo igl alumini dil gol dallas adversarias.

Suenter pausa entscheivan las Sursilvanas il giug se'in cametg. Suenter 25 secundas sietta *Estella Mazzetta* il 2:0 sin pass d'Aline Cajacob. Il giug va suenter il gust dils Desertina Bulls aschia chil trenader da Wängi pren in time out. Wängi vegn tec a tec meglier el giug. Cun ina grondiusa prestaziun ella defensiun san las giuvnas da Mustér denton tener petg al squetsch dallas adversarias. Ella 31avla minuta peglia *Alexandra Flepp* giu in pass da Wängi e sa cuorer persula encunter il goli. Ella maniera d'in attaccadra lai ella negina schanza al goli e porta il bein meritau 3:0 all'equipa da Mustér. Suenter in sbagl ella defensiun vegn Wängi aunc da sittar treis minutas avon la fin igl emprem gol. Alla fin vegn ei aunc inaga interessant. Il gol ha dau motivaziun allas adversarias. Cun ina tactica rufinada han las giuvnas da Mustér denton schau aschia negina caschun agl adversari d'aunc inagada vegnir el giug. Cun *Marina Bearth* en gol han ils Bulls era giu il secund giug ina ferma petga en las atgnas retschas. Grazia al grond spért d'equipa ed igl enorm svilup che l'equipa ha fatg questa sesiun san ellas aunc contonscher bia el futur. UHC Desertina Bulls – UHC Wängi 3:1.

Silvan Giger

UHC Desertina Bulls cun Anica Seiler, Noemi Zanin, Alexandra Flepp, Aline Cajacob, Selina Giger, Corina Venzin, Tamara Derungs, Milena Derungs, Fabiana Bearth, Gada Cathomas, Jana Caduff, Estella Mazzetta, Marina Bearth, Mila Demont.